



Disputatio juridica inauguralis de fidejussionibus

<https://hdl.handle.net/1874/342349>

DISPUTATIO JURIDICA
I N A U G U R A L I S,
D E

37.

FIDEJUSSIONIBUS,

Q U A M,
DIVINO FAVENTE NUMINE
Ex Auctoritate Magnifici Rectoris,

D. M. JOANNIS LUYTS,

Philosophiæ Doctoris, ejusdemque Facultatis in Inclytâ Academiâ
Ultrajectinâ Professoris Ordinarii,

U T E T

*Amplissimi Senatus Academici consensu, Nobilissimæque
Facultatis JURIDICÆ Decreto,*

PRO GRADU LICENTIÆ,

Summisque in UTROQUE JURE honoribus & Privi-
legiis ritè, & legitimè consequendis,

Publico examini subicit,

MATTHIAS REINERUS DE ROY, Dusseldorpiensis.

A. D. 6. Novemb. hora locoque solitiis.



TRAJECTI ad RHENUM,

Ex Officina FRANCISCI HALMA, Academiae
Typographi, clō Ioc LXXXVIII.

ILLUSTRISSIMO, ET GENEROSISSIMO
DOMINO DOMINO

PHILIPPO WILHELMO

LIBERO BARONI DE NESSELRATH.

DOMINO IN ERESHOVEN, WECKBERCK,
THUMB, ET WELTERATH,

SERENISSIMI PRINCIPIS ELECTORALIS
PALATINI CONSILIARIO INTIMO

DUCATUS MONTENSIS MARESCALLO

E T

SATRAPÆ IN STEINBACH.

DOMINO MEO

LONGE

GRATIOSISSIMO.

Illustrissime, Generosissime Domine



On absque insigni notâ ingrati a-
nimi, à parentum vestigiis aber-
rarem, Illustrissime, Generosissi-
meque Domine, si vel minimum

du
Typographi, cl. de l'xxxviii.

dubitaret incertus animus tibi laborum
suorum primitias consecrare, quos jure im-
mortalis obligationis, jamdum tibi manci-
pasti, ut usu mancipioque tui simus famuli.
Hæsi quidem nonnihil spem inter, & me-
tum, de operis vilitate non vanè anxius.
Sed ipsum (quod demississime in tuum audet
conspectum venire) opusculum, animos
sibi fecit, non parum sibi splendoris pro-
mittens; si sub Illustrissimo patrocínio tuo
lucem aspexerit. Felicitatis summam me
consecutum esse putabo, si me in clien-
tum tuorum numerum adscripseris, quam-
vis de tenuitate mea mihi sim conscius.
Pro explorato enim habeo, innatam illu-
strissimæ Domui tuæ, & imprimis tibi
Clementiam ad tempus fidejussuram.

Pro

*Illustrissimæ, & Generosissimæ Dominationis tuæ
servo Humillimo*

MATTH. REIN. DE ROY.

PROOEMIUM.



Ruſtra incuſamus ævum hocce noſtrum
de relegatâ in quas neſcio remotas pla-
gas Germanorum fide; in vanum la-
boramus ſpiritum, & vitam reddere
priſtino majorum candori, qui non quatridua-
nus; ſed à multis retrò ſeculis, imò ipſâ Divi
Juſtiniani atate, perverſâ temporum Conſuetu-
dine oppreſſus computruit. Ad quem enim finem
ſerviſſet ſollicita D. Imperatoris cura, ut proſpi-
ceretur creditoribus; quò alio collimaſſent inſini-
torum propè de fidejuſſionibus commentariorum
ſudores, ſi integra ſemper & infracta perſtitiſſet
mortalium ſinceritas? ego, qui non leve exu-
lantis integritatis ſupplementum in fidejuſſion ere-
perio, aggredior materiam illam pro virium te-
nuitate per theſes ſequentes plenius diſcutere; ſe-
cundent Conatum ſuperit!

DIS-



DISPUTATIO JURIDICA

INAUGURALIS,

DE

FIDEJUSSIONIBUS.

THESIS I.



Uemadmodum fidejussio rectè stipulatio dicitur, quâ quis pro aliquo debitore, fidem suam interponendo ad debiti solutionem in subsidium obligatur; ita fidejussor propriè loquendo appellatur ille, qui intercedit pro alio principaliter jam obligato vel obligando rogatus, & pro majori securitate, creditori per solennem Stipulationem promittit, se soluturum, ita ut principalis obligatio nihilominus duret, & salva maneat; illique omnes fidejussores dici possunt, qui pro alio intercedunt, & debitum alterius suâ fide atque periculo esse jubent. *l. ubi 75. §. qui verò 6. ff. de verb. obl. nec alium in finem fidejussores jure constituti sunt, quàm ut per illos creditor de debito reddatur securior. l. 1. §. sed aut proprio 8. ff. de obligat. & act.*

A 3

II. Cum

6 DISPUTATIO JURIDICA

II.

Cum mediante Stipulatione fiat fidejussio, hæc autem sit de genere permissorum, evidenter inferri potest, fidejuberi posse omnes, qui expresse non prohibentur arg. *l. mutus. §. 1. ff. de procurat.*, vel qui alioquin ex contractu, vel Stipulatu obligari possunt. *l. qui satisfacere 3. ff. de fidejuss.* Layman. *de pact. & contract. C. 29. N. 5.* Schrader. *in tractat. de contract. rub. de fidejuss. n. 33.*

III.

Dividitur rectè fidejussio in simplicem, & fidejussionem indemnitate; simplex dicitur, quando fidejussor simpliciter promittit creditori id, ad quod ei principalis debitor obligatus est; indemnitate verò fidejussor is vocatur, qui se obligat in subsidium tantum ad id, quod creditor à principali debitore consequi non potest. Vasq. *lib. 3. controver. c. 33. n. 2. cum seqq. & n. 7.* Ludolph. Schrader. *in commentar. de contract. rubr. de fidejuss. n. 24. & 25.* item in judicialem, quæ propriè satisfactio appellatur. *l. si quis 4. ff. de custod. reor. & extrajudicialem, quæ in contractibus utimur, & quæ hujus præcipuè est loci.*

IV.

Denegat quibusdam personis intercedendi facultatem ex defectu ætatis, vel corporis, animive vitio proveniens inhabilitas; nonnullis leges ita consulunt, & ad ipsos indemnes conservandos obligationi, & nexui eximant. Manz. *in tractat. de fidejuss. cap. 2. n. 13.* hinc infans, & furiosus. arg. *§. 10. instit. de inur. Stipulat.* item summe ebrius, mente captus, & prodigus, qui furioso æquiparatur, nec non surdus, & mutus, quia Stipulari & contrahere nequeunt. *§. 7. instit.*

instit. de inut. Stipulat. neque fidejubere possunt, remoto enim genere, nempe Stipulatione, removetur etiam species, scilicet fidejussio; sed quia hodie fidejussio etiam per epistolam facta subsistit, dubitandum non est, quin surdus, mutusvè, in scriptis pro altero intercedere, & fidejubere possit. *Citat. Manz. dict. loc. n. 55.*

V.

Milites per leg. 31. *Cod. de locat. & conduct. l. 8. §. 1. ff. qui satisd. cogant.* fidejubere non possunt, aut saltem ex privilegio militari fidejussione solvuntur; rationem allegat *dict. l. 31.* quoniam armis, non privatis negotiis occupari debent, ut numeris, & signis suis inhærentes rempublicam, à quâ aluntur, ab omni bellorum necessitate defendant; valet tamen, si in rem suam v. g. pro suo procuratore fidejubeant. *d. l. 8. §. 1.*

V I.

Pari passu ambulat cum milite Clericus, per text. in *Novell. 123. de sanctiss. Episcop. Cap. 6.* ubi ratio redditur, ut ne per hanc occasionem & sanctis Domibus Damnum fiat, & sancta ministeria impediatur. Qui divino ministerio consecrati sunt, hos ab externarum rerum occupationibus, & molestiis liberos esse oportet. *Novell. Leon. 68.* potest nihilominus fidejubere Clericus quantum ad res patrimoniales, vel alias, quas obligandi facultatem habet. *Layman de pass. & contract. c. 29. n. 7.* pupillus, & minor sine tutorum, & curatorum auctoritate fidejubendo non obligantur. *l. 3. Cod. de in integ. restit.*

V I I.

Auctoritate S^Cti Vellejani, quod à veteribus S^Ctum de intercessionibus mulierum appellatum fuit: mulier fidejubere rectè prohibetur. *tot. tit. ff. & Cod. ad S^Ctum Vellejan. prohibitio-*

§ DISPUTATIO JURIDICA

hibitionis hujus evidens ratio est tum ipsa naturalis æquitas propter sexus muliebris imbecillitatem multis captionum generibus expositam, tum quod innato quasi vitio imprudentes sint magis, quam viri; unde eas Arist. l. 9. de Hist. animal. fluxæ dicit esse fidei; adde quod virile sit officium fidejuberi. l. alienam 8. Cod. de procurac. Idcirco si mulier de facto pro aliquo fidem interposuerit, succurritur ipsi ope exceptionis si nondum solverit. l. tamen 11. ff. ad F. C. cum Maced. si solverit conditionis. l. qui exceptionem 40. ff. de condict. indebit l. quamvis 8. §. 3. ff. ad F. C. cum Vellejan. tametsi autem mulier fidejubens regulariter loquendo, exceptione Vellejana tuta sit, sunt nihilominus casus, quibus hocce beneficium cessat, si nimirum pro eo fidejubeat cui erat obnoxia. l. aliquando 13. ad F. C. cum Vellejan. Menoch. l. 3. præsumpt. 21. Num. 1. item si pro procuratore suo fidejubeat. l. 8. §. 1. ff. qui satisfacere cogant. si S. C. to utpote favori pro se introducto renuntiet; nam S. C. to illo succursum est imbecillitati, & ignorantia sexus muliebris, sed quæ scit aliquid in favorem suum introductum esse, & tamen eo uti non vult, vel paciscitur se eo non usuram, non videtur esse decepta. Manz. Cap. 3. de fidejuss. n. 44. neque fidejussio pro marito facta subsistit. text. in auth. si qua mulier Cod. ad F. C. cum Vellejan. nisi manifestè probetur, quod pecuniæ in propriam ipsius mulieris utilitatem conversæ sint. d. auth. si qua, in illis quoque locis, in quibus mulier communionem bonorum cum marito habet fidejussionem, pro marito factam valere asserit Gail. 2. obs. 100. n. 5. tunc enim res in mulieris utilitatem versæ præsumuntur. Goth. ad d. amb.

V I I I.

Potest fidejussor omni obligationi accedere l. 1. ff. de fidejuss. & mandat. & non tantum obligationi ex contractu, sed etiam ex delicto orienti l. 8. §. 5. d. rit. interest tamen an agatur civiliter, & fidejussor rectè de judicatum solvendo intervenit,

venit, an verò criminaliter, & distinguitur inter delicta, quæ habent pœnam pecuniariam, & in his itidem fidejussor de judicatum foivendo admittitur, & quæ pœnam habent corporis afflictivam sive Capitalem, quæ crimina si manifesta sint, & notoria non facile locus est fidejussioni. Carpz *pract. criminal.* 3. *quest.* 112. *N.* 30. si incerta, iterum interest an reus sit fugitivus, & prchendi nequeat, hoc casu fidejussores admittuntur *l.* 4. *Cod. de Cust. reor.* si verò incarceratus vel incarcerari possit. tunc non nisi in delictis levioribus fidejussor admittendus, cavent autem fidejussores in delictis his, ob quæ pœna corporis infligitur, tantum de judicio fisci. Struv. *Exercitat.* 47. *th.* 39. *de fidejuss.*

I X.

Quoniam in totâ rerum naturâ nihil perfectum dici potest, quod non ex omnibus suis partibus constet; *arg. l. 1. ff. de orig. jur.* hinc nec valebit fidejussio nisi debitis fulta requisitis & quemadmodum ad fidejubendum requiritur persona habilis, & idonea, ita & necessum est, ut ipse principalis, pro quo fidejussor intercedit, sit obligatus, nam si pro non obligato intercedit, non tenebit fidejussio; quia fidejussio est accessoria quædam obligatio. §. 5. *Inst. de fidejuss.* accessorium autem non potest consistere sine suo principali; requiritur adhuc distincta principalis debitoris a fidejussore persona, quia nemo pro se ipso fidejubere potest, hoc enim casu neque creditor de debito redderetur securior, neque ulla esset inter debitorem & fidejussorem obligatio, quia idem esset principalis debitor & fidejussor, Manz. *Cap. v. de fidejuss.* *N.* 14. *De fiderat* porro Wesenb. *N.* 5. *de fidejuss.* item Harp. *ad pr. tit. de fidejuss.* solennem stipulationem, *arg. l. 4. §. 3. ff. de fidejuss. tutot.* promittere quoque debet fidejussor id ipsum quod in obligatione debitoris principalis comprehensum est, quare in duriozem causam, quam ipse principales se non obligat, sed æque tenentur. *l.* 8. §. 7. *ff. de fidejuss.* non potest enim plus esse

10 DISPUTATIO JURIDICA

esse in accessoria obligatione, quam in principali, valet nihilominus in leviolem summam facta obligatio, ratio differentia est, quod majori summæ in sit minor, non verò minori major. *Wesenb. in parat. N. 5.*

X.

Effectus fidejussionis in obligatione, & actione consistit; ex contractu nempe oritur obligatio. *Harp. N. 34. §. sequens. 2. Inst. de obligat. ex obligatione actio. arg. princip. instit. de mandat.* quod obligationem concernit, pro regulâ tenendum, quod fidejussor per æquè obligetur ac ipse principalis, quia fidejussor est is, qui intercedit pro alio, & promittit solvere rem, vel pecuniam ab alio debitam. *Gomez. variar. resolut. tom. 2. cap. 13. N. 1.* quam obligationem non in foro tantum civili, sed in conscientia etiam stringere notat *Layman. de pact. & contract. Cap. 29. N. 9.* cum quisque interpositam & acceptam promissionis suæ fidem jure naturali servare teneatur, eo jure veteri extensa erat fidejussoris obligatio, ut creditori liberum esset, utrum debitorem principalem, an verò relicto principali fidejussorem convenire vellet. *l. jure nostro. 5. l. liberum. 16. l. si alienam. 19. l. sententia. 20. Cod. de fidejuss. & mandat. nisi aliud ab initio convenisset. dict. l. 5.* pacta enim contractui legem tribuunt.

X I.

Fidejussio ad hæredes est transitoria; ratio assignatu ab *Ulp. in l. 4. ff. de fidejuss.* quia fidejussor rei, id est, principalis debitoris locum obtinet. sicuti ergò reo principali mortuo hæres ejus obligatus remanet; ita & mortuo fidejussore ejus hæres tenetur; limitanda autem hæc regula; si consuetudine aliud introductum, illa enim haud dubiè derogat juri communi. *l. semper. 5. §. legem. 1. ff. de jur. immunit.* obligatio quoque fidejussoria ad hæredes non transit, si expressè convene-

venerit, ut in locum defuncti fidejussoris alius fidejussor substituat; hoc nempe Casu obligatio fidejussoris est personalis Berlich. *Conclus.* 26. *N.* 14.

X I I.

Vidimus ex contractu fidejussorio nasci obligationem, hæc autem quia mater, & causa actionis est; Mynf. *N.* 3. *ad rubr. it. de actionibus*; hinc videndum quasnam actiones pariat. Quoniam verò tam creditori contra fidejussorem, quam huic contra debitorem & uni fidejussorum contra aliùm confidejussorem actio ratione hujus contractûs competit; statuimus primò; si reus principalis non solvit, tunc creditor fidejussorem vel conditione certi ex stipulatu, vel actione ex stipulatu convenire poterit; fidejussio enim de jure civili regulariter non nisi per stipulationem facta valet, & ipsa species est stipulationis, seu verborum obligationis. *l. blanditus. Cod. de fidejuss.* deinde si quid fidejussor pro debitore principali solvit, illud vel actione mandati, vel negotiorum gestorum iterum repetit. *§. 6. instit. de fidejuss. l. 11. §. 33. ff. mandat.* officium enim suum nemini debet esse damnosum, rationem cur detur actio mandati, affert Mynf. *ad d. §. 6. N. 2.* talem, quod, cum debitor fidejussorem præstat, videtur ut mandare, ut pro se solvat eam summam pro quâ intercessit; mandatum enim habens, ut se obliget, etiam mandatum habere intelligitur, ut solvat. Bald. & Goth. *ad l. 47. ff. de condict. indebit.*

X I I I.

Fidejussori postquam debitum solvit, contra confidejussoris actio nulla datur (si casum excipias, quo cessa fidejussori actio, de quo infra) *l. 11. Cod. de fidejuss.* nihil enim negotiû cum illis contraxit, nullaque inter eos est obligatio. Berlich. *lib. 2. Conclus.* 22. *N.* 63. neque contemplatione reliquorum confidejussorum, sed principaliter debitoris intuitu solvere videtur. Cit. Berlich. *cit. l. 1. N. 76.* si fidejussor pro debitore non-

dum solverit, vel alio modo satisfecerit, non potest actionem contra eum instituere ad hoc, ut liberetur *l. 10. Cod. Mand. Gail. 2. obs. 29.* Mandatum enim non de fidejubendo tantum; sed etiam de solvendo factum videtur. *Gomez. var. resolut. lib. 2. cap. 13. N. 10.* quod utique in damnum debitoris vergeret, si pro arbitrio fidejussoris nondum à creditore interpellati ad liberationem agi posset, eò quod alium fidejussorem tam commodè habere non posset. *Gail. d. l. N. 1.*

X I V.

Quamvis jure veteri (prout in *ib. 10.* demonstratum) creditori liberum fuerit, vel debitorem principalem, vel fidejussorem convenire. *arg. l. jure nostro. 5. Cod. de fidejuss. derogatum tamen est legibus hisce jure nouissimo, ac saluberrimè constitutum, ne creditor prius fidejussorem conveniat, nisi exacto, vel excusso prius principali. text. in aul. presente. Cod. hoc tit. Novell. 4. in princip. usque ad §. quod autem.* beneficii hujus excussionis, seu ordinis, fidejussori indulti rationem allegat *Myns. ad §. si plures. 4. inst. h. tit. N. 6.* ubi ait fidejussorem velut in subsidium teneri æquum est, eoque animo se obligare videtur quilibet intercessor, ut non antè solvat, quàm si non solvat debitor; nomen ordinis beneficium hocce exinde sortitum est, quia creditor servare debet ordinem hunc, ut prius excutit principalem, qui debitum contraxit, antequam conveniat ad fidejussorem. *d. Novell. 4. Cap. 1.*

X V.

Limitanda verò hæc regula in sequentibus casibus; si nimirum notoriè constet principalem non esse soluendo; frustra enim executio adversus eum instituitur, qui nihil in bonis habet. *Gail. 2. obs. 27. N. 14.* adhuc si debitor principalis longinquè absit, & difficilis sit conventionis; acerbum enim foret creditorem mittere aliò, cum possit mox intercessorem exigere.

in sæpè dict. Novell. 4. Cap. 1. deinde si fidejussor beneficio huic consultò, & deliberatè renuntiaverit. Mynf. Cent. 2. obs. 15. N. 4. quilibet enim favori pro se introducto renuntiare potest. l. si quis 20. Cod. de pact.

X V I.

Plures fidejussores simpliciter intercedentes, quamvis ipso jure in solidum obligati sint, eò quod singuli obligationem principalem suâ fide esse jubeant. Wefenb. *in pact. N. 6*; nihilominus tamen Hadrian. Imperat. in epistolâ suâ rescriptis, & sanxit, ut creditor singulos æqualiter conveniret, neque amplius solidum à singulis peteret, & hoc est, quod beneficium divisionis, sive beneficium Epistolæ D. Hadrian. vocamus, de quo est tex. in §. si plures. 4. *inst. hoc tit. l. inter fidejussores. 26. ff. eod. l. non rectè 3. Cod. eod.* ideo sic dictum, quia creditor dividere debet obligationem, & actionem quam habet adversus plures fidejussores. *d. l. 26.* statuendum itaque est, creditorem a singulis fidejussoribus partes petere, & quemlibet non nisi pro virili suâ portione exigere debere. *arg. d. §. 4. Inst. h. tit. Layman. de Just. & jur. Cap. 29. N. 8.* durum namque foret ab uno exigere, quod à pluribus promissum est.

X V I I.

Gaudent hodie eodem beneficio Correi. *aut. hoc ita. Cod. de duob. reis. Novell. 99. Cap. 1.* secus de jure antiquo. *l. 11. in pr. ibi neque enim. ff. de duob. reis.* intelligendum autem est, fidejussores hoc divisionis beneficio uti posse, quando omnes sunt solvendo, secus verò, si unus vel alter solvendo non existat; hic enim cæteros onerat ut cogantur pro eo solvere, & unus, qui solvendo est, totum præstare. *allegat. §. si plures. 4. inst. hoc tit.* Schrad. *in tractat. de contract. rubr. de fidejuss.* hoc casu scilicet res facilè ad naturam suam redit, nec conqueri possunt reliqui, quia de jure ad solvendum totum adstringun-

tur, nec Imperat. cenfetur voluiffe, concessum privilegium in creditoris damnum redundare. Manz. *Cap. 9. de fidejuff. N. 13.*

X V I I I.

Dictum est *th. 13.* quod unus fidejufforum solidum solvens non habeat regressum contra reliquos confidejuffores, neque ullum remedium juris civilis ad recuperandum id, quod ultra suam portionem solvit; notatum quoque *th. preced.* quod, si unus vel alter ex fidejufforibus solvendo non sit, beneficio divisionis locus non detur; sed quoniam acerbum nimis videtur, contra quando confidejuffor fuit inops, & postea ad meliorem fortunam pervenit, quod fidejuffori solventi non succurreretur contra fidejufforem suum; hinc in solidum convento fidejuffori beneficio cedendarum actionum jure prospectum est, ut scilicet a creditore petere possit, sibi actionem contra confidejuffores cedi, tenetur itaque creditor fidejuffori, à quo solidum consecutus est, actiones suas cedere. *l. fidejuss. 17. l. cum ie. 36. ff. hoc tit.* Berlich. *tom. 2. conclus. 22.* & cedendæ non tantum sunt actiones contra confidejuffores; verum etiam adversus debitorem principalem. *l. si mandat. 13. ff. hoc tit. Novell. 4. Cap. 1. §. postules.* non actiones solummodo personales, verum etiam reales, & Hypothecariæ, ipsa quoque pignora, quæ creditor tenet, fidejuffori sunt cedenda. *per l. creditori. 2. Cod. hoc tit.* Sichard. *ad l. 2. N. 7. Cod. hoc tit.* melius namque est pignori incumbere, quam personam actione persequi. *l. itaque. 12. §. sed si res ff. de furt.* notandum hic, quamvis fidejuffori solidum solventi actio adversus confidejuffores cedi debeat, illam nihilominus non extendi ad illam quoque portionem, quæ ipsum solventem contingit, sed ad eas tantum partes, quas extra suam solvit. Harp. *ad §. 4. Inst. hoc tit. N. 66.* natura quippe cessionis haud patitur, ut quispiam pro eâ portione cessionem impetrare velit aut debeat, quam ipse obligatione suâ agnoscit, & cum in pari causâ sit, melioris tamen fortunæ, quam confidejuffor esse velit. Myns. *Cent. 3. obs. 94. N. 5.*

XIX.

Principali non subsistente neque subsistit accessio *l. 178. ff. de reg. jur.* hinc liberato debitore liberatus est fidejussor, sique reus exceptione quædam se tueri potest, id quoque fidejussori proficit. *l. ex personâ. 32. ff. hoc tit.* inter modos autem speciales fidejussorem liberandi primus est actualis solutio. *per text. in pr. tit. Inst. quibus mod. toll. obligat.* solutione enim ejus, quod debetur, solvitur omnis obligatio non tantum principalis sed etiam accessoria, ita & si debitor principalis solverit, liberentur etiam illi, qui pro ipso intervenerunt; liberat quoque fidejussorem oblatio pecuniæ debitæ, quia oblatio realis cum depositione operatur effectum plenæ liberationis. *l. 9. Cod. de solut.* ergo & solutionem fidejussionis, cum sublato principali tollatur & accessorium; tollit ad hæc fidejussionem novatio, id est si principalis obligatio inter creditorem, & debitorem novetur. *l. novat. Cod. de fidejuss.* deinde si inter reum, & creditorem de debito transactum. *l. 68. ff. §. fin. hoc tit.* si liberatio debitori in testamento legata, & fidejussor liber censetur. *l. si testamento. 49. in pr. ff. hoc tit.* pactum denique de non petendo. *l. si stipulatus 15, §. 1. ff. hoc tit.* uti & præscriptio fidejussionem remonent; nam præscriptâ actione, & obligatione principalis debitoris, censetur etiam præscripta actio fidejussores, & quâ exceptione reus se tuetur, eadem & fidejussori competere potest. *l. ex personâ 32. ff. de fidejuss.*

XX.

Coronidis loco sint paucula de obsidibus, quorum usum eundem in finem jure gentium introductum existimo, quo jure civili introducta fidejussio, & scilicet pactorum, fœderumque inter partes contractorum executio eo redderetur certior, & securior: obsidum alii sunt, qui spontè, & quasi ex conventionem voluntariè se obligant; alii qui à principe sum-

mum

mum imperium habente traduntur. Hugo Grot. *de jur. pac. & Belli Cap. 20. N. 52.* obsidi tradito ante expletas pactiones fugere non licere, neque fugitivum intra moenia recipiendum notat Liv. *l. 2.* factum Cloeliae a Romanis Regi Porfennae urbem obsidenti in fidem traditae allegans, quia obsidum obligatio, utpote libertati inimica, odiosa est, ideo stricta interpretatio hic locum habet, quare in unam causam dati in aliam haud poterunt retineri. Grot. *dict. cap. N. 55.* liberatur obses, quando id expletum, pro quo in obsidem datus est & si datus est, ut captivum, aut alium obsidem redimat, eo mortuo liberatur.

